

Transkription von Urkunde KOL 1388a

Ort, Datierung: Kolberg, 1388-03-07

Signatur: Landesarchiv Greifswald, k.A.

Inhalt: Bugisslaf thu Stettin: Pfandbestätigung

Wy Bugisslaf van godes gnaden . thũ Stettin . der wende der cassuben der Pamerenen Hertoghe /
vnd(e) vorste thũ Ruyen . vnd(e) eyne(r) meyne(r) vorstender der kerke vnd(e) des stichtes thũ
ca(m)myn . Bekennen vnd(e) betũ=/ghen openbare in desseme Jeghenwerdighen breue vor allen lũden
dỹ ene seen odir horen dat wy dy erba=/ren lũde den Raath vnd(e) de Menhyt der stad thũ
Colb(er)ghe(n) vn(de) allerleye lũde in ereme Eyghene vnd(e) wor sỹ / an den pande(n)n dỹ sỹ van
deme stichte hebb(e)n beseten sint . vnd(e) buten derstad vnd(e) bỹnnen der stad willen laten / vnd(e)
beholden . by alleme rechte vnd(e) by aller vryheyt also sỹ dỹ van oldes ghehath hebb(e)n . vnd(e)
besete¹ besete(n) / hebb(e)n vnd(e) noch besitten . na der Breue holdinghe vnd(e) lude dỹ sỹ hebb(e)n
van h(er)n thũ h(er)n de Biscoppe syn / ghewesen thũ ca(m)myn . odir dỹ sỹ hebb(e)n van deme
capitele , odir watte breue sỹ hebb(e)n vppe ere vryheit / vnde willen sĩ nerghene ane vũrwalden Vnde
willen ok allerleye borghe(n) der sulue(n) stad thũ Colb(er)ghe neme(n) / van aller redeleker schult dar
sỹ van des Stichtes weghene an ghe ko(m)me(n) sint , de redelek vnd(e) bewislik / is . mit breue(n)
odir mit bederuen Lũden . id sỹ van louedes weghene odir van erer eyghene(n) schũlt weghen² /
Vortmer als dỹ breue vth wysen de vnse Brudere hertoghen wartisslaf de Jvnghere , vnd(e) Barnym mit
/ vnse steden vorseghelt hebb(e)n . dat wy na der domh(er)n rade thũ Ca(m)myn . vnd(e) na der van
Colb(er)ghe vnse / dỹnk holden scholden , dat wil wỹ gherne dũn . vnd(e) willen de suluen Breue mit
vnse Brude(re)n . in / alle erer macht beholden . vnd(e) wille(n) sỹ also holden also sỹ in eren
artikelen begrepen sint . Vortmer / so wil wy vnd(e) scolē . h(er)n Borken³ nemen van aller Redeleden
schult . dar he van des stichtes we/gheneinghekommen is . na rade des capitels thũ Ca(m)myn . vnd(e)
des rades der stad thũ colb(er)ghe . des he / redelicheyt van vns vnd(e) van deme capitele wil nemen .
Tũghe desser sake sint . vnse leuen truwe(n) / her Reuelink smelink Rydder . Egghend van deme
wolde . frede(r)ik van steghelitze knechte vnd(e) / her vlric zabow . perner thũ Belgharde . vnse raath
vnd(er) dene(n) vnd(e) mer guder Lude dỹ eren / wert sint . Vnd(e) thũ ener openbareren
betughynghe . so hebbe(n) wy dat Jngheseghel vnser vorsten=/dy(n)nghe des stichtes thũ ca(m)myn
heten henghen vor dessen brif , Dỹ ghe gheue(n) vnd(e) gescreue(n) / ys thũ colb(er)ghe Na godes
bort d dritheyn hũndert Jar dar na Jn deme achteden vnd(e) achten/dygesten Jare . des Sonauendes vor
letare . /

¹ **besete** unterpunktet

² von **Vnde willen** bis **weghen** unterstrichen

³ **h(er)n Borken** unterstrichen